

籌辦夷務始末

籌辦夷務始末卷之三十三

道光二十一年辛丑八月丁酉

諭內閣。怡良著馳驛前往福建查辦事件。廣東巡撫著梁寶常署理。

欽差大臣兩江總督裕謙奏。竊照前據防守鎮海縣穿山等處之嘉興協副將福禧。太平營參將文斌等。在威巖地方。擒獲夷匪。嘔哩等。業經拏恭摺具奏。在案。竊以此次夷船之來。係屬倭來。倭去。四處散泊。莫能考其隻數。揆厥情形。若非等候大幫。即將肆擾各口。分我兵力。不可不嚴為之防。威巖在鎮海縣東南。離城一百餘里。而海背山。層巒疊嶂。地

方甚為僻遠。逆夷斷不能深入。居民亦屬無多。而登山東望。定海山勢港道。瞭如指掌。上年六月初間。逆夷初至浙洋時。先行登岸。用千里鏡。周圍窺探。然後疾駛定海。該逆嗚哩既為探聽消息。路徑而來。其登岸之故。必因登高瞭望。所供圖搶淡水食物。顯係詭詐之辭。殊不可信。該處僅止防兵二百名。未免單薄。隨經會商提臣。余步雲。在鎮海城外。抽撥甯海營兵一百名。水勇一百名。又派委揀發副將都隆阿。候補知縣韋逢田。先後馳往策應。八月初二日。清晨。約有逆夷二三百名。駛放杉板小船。在雙巖地方。同時登岸。開放槍礮。轟擊沿海零星草房。維時防守。感巖之

署提標左營守備黃夢賚。衢州鎮標右營把總嚴殿揚。望見雙標火起。即踰山撲勦。該逆乘勢闖入威標。迨黃夢賚等退回。督率兵民奮力勦擊。威標草房已被延燒。太平營參將文斌得信往援。督飭黃夢賚等擊傷夷匪。不計數目。並奪獲夷槍。夷銃。夷刀等件。該逆夷即逃竄回船。賊無陣亡二名。受傷一名。該逆大船仍在該處十餘里外遊奕。此鎮海縣威標地方。夷匪上岸滋擾。業經登時擊退之情形也。又象山縣石浦地方。濱臨大海。其外雖有山島遮護。而有銅瓦門。口闊水深。夷船亦可闖入。該處僅有防兵四百名。亦恐不敷。先已會商撫臣劉韻珂。提臣余步雲。就近在

於象山協標各營。抽派兵一百名。並酌添礮位。飭委揀發副將吉祥候補知縣賴晉前往協防。八月初三日突有火輪船夷船各一隻。闖入銅瓦門。當經防守官兵開礮轟擊。該夷船亦放礮拒敵。並探聞銅瓦門之外。尚有夷船四五隻。遊奕不定。現在署石浦同知李華會同副將吉祥等。募鄉勇督率官兵協力守禦。署象山縣知縣范先達於得信後亦已帶領鄉勇馳赴援應。兵民固結軍威尚盛。該逆雖不敢登岸滋擾。亦仍相持不去。此象山石浦地方夷船闖入。現在堵禦之情形也。又准福建撫臣劉鴻翱咨會廈門夷船止贖五隻。其餘三十餘隻俱於七月二十一日

起碇往東北外洋駛去。查廈門之東北係由福州福甯而
至浙江。現在浙洋夷船零星錯落四處滋擾。其意不過誘
我分頭堵禦。乘間以圖一逞。幸惟有堅持定見。會同余步
雲激勵將士。勸諭居民慎之又慎。以守為戰。以防為勦。再
籌一鼓殲除之計。其感畧雙畧地方。究被焚毀民房若干。
間有無傷斃人口情事。幸已飛飭甯紹台道鹿澤長委員
酌帶銀兩。星夜前去查明撫卹。並傳諭沿海居民官兵。止
能扼要駐防。不能環海設守。堅壁清野。係兵家成法。如有
零星村落。無可設守之處。情願歸併大畧者。悉聽其便。不
為禁止。亦不得自相驚擾。致墮奸計。其江蘇洋面亦已飛

咨撫臣梁章鉅提臣陳化成。妥為預備。不敢稍有鬆懈。裕謙又奏。再浙江沿海六府綿延一千數百里。海口林立。可容大船出入之處甚多。惟鎮海為適中之地。又為全浙門戶。定海則孤懸海外。乍浦為江浙咽喉。此三處最為扼要。而鎮海縣城濱臨大海。係洋船聚集所在。尤為逆夷垂涎口岸。自當以全力注之。浙省防兵統計雖有一萬五千餘名。係連各該處額設官兵之請給鹽菜者。一併計算。實在鎮海定海二處。除本營額設官兵外。各止調派外營外省兵三千餘名。乍浦地方。除駐防八旗官兵外。止有調防兵八百餘名。其餘四五千名。分防沿海各口。自一二百名。

至數百名不等。本形單薄。現在逆夷四出紛擾。處處喫重。據各該地方官紛紛稟請添兵策應。固屬實在情形。但拏通盤籌畫。浙江及附近各省業已無兵可調。且該逆游魂海上。朝東暮西。飄忽不定。設我聞警調派。水陸奔馳。尚未行抵該處。而該逆又顧而之他。徒然疲於奔命。適墮其術。所幸各處海口。相距府縣城池。近或二三十里。遠或六七十。雖有水路可通。絕少夷船能到之處。逆夷斷不敢深入。況該逆所恃者船礮。若敢舍舟登陸。則我兵民併力勦殺。制之亦易。是以拏權其緩急。督飭地方官。多募鄉勇。以為援應之策。而全力仍注鎮海定海二處。其乍浦地方現

有副都統長喜抗嘉湖道宋國經駐紮防守亦甚可靠再
奪前訊白夷供詞據稱現在廣東香港地方止有兵船三
隻岸上有兵千名礮臺尚未築好等情現在又准福建撫
臣劉鴻翱咨會廈門止有夷船五隻是香港廈門二處皆
已空虛正可乘機克復請

奉旨下靖逆將軍奕山閩浙督臣顏伯燾等迅速慎密辦理之處
出自

聖裁

裕謙又奏再奪正在拜摺間接據署石門同知李華等稟
報竄入石浦之夷船已於初三日酉時擊退

論軍機大臣等。本日據裕謙馳奏。夷船在浙分口滋擾。業經登時擊退一摺。此次逆夷駛放杉板小船。在雙巖地方登岸放火。經太平營參將文斌督飭守備黃夢齋擊傷夷匪。奪獲器械。逆夷逃竄回船。其石浦夷船亦據署同知李華等稟報擊退等語。覽奏均悉。惟盛巖逆夷大船仍在該處十餘里外遊奕。福建分竄之夷船三十餘隻。據報駛往東北。浙洋未見大幫。行蹤詭秘。情事叵測。此次雖經擊退。並未大加懲創。難保不伺隙而來。不可不嚴行防範。仍著裕謙激勵將士。勸諭紳民。堅壁清野。據險設伏。遇有夷匪登岸。一鼓作氣。四面兜搥。總須痛加勦洗。方為不負委任。所有傷亡兵丁。及石浦擊退情形。著即迅速查奏。其另

片奏籌辦情形尚屬周妥。逆夷四出紛擾蹤跡無定。沿海各口防兵均有定額。若處處添兵策應。適墮其多方以誤之計。僅能多募鄉勇。駕馭得宜。則以本處義民守禦本處地方。可期得力。即著該大臣分飭所屬。妥速辦理。

又

諭前據顏伯燾奏夷船三十餘隻竄出外洋。現在廈門僅止留船五隻。當降旨諭令顏伯燾實振彪普陀保相機進剿。由六百里寄知計此時當已接奉。因思該逆船僅止五隻。現在新兵壯勇已有二三萬之多。如果謀勇兼施。兵民齊奮。則以順討逆。以主逐客。何患不摧枯拉朽。聚而殲旃。著該督等嚴飭水陸將弁團

集兵勇。或縱火燒其船隻。或設伏殲其醜類。務使夷船片帆不返。廈門即日收復。尚可少贖罪戾。儻仍觀望畏葸。任聽逆船自行逃竄。或致貽患他省。顏伯燾等自問當得何罪。懍之。

己亥。

諭軍機大臣等。朕聞啖咭喇逆夷在浙滋擾。有越南國貿易人聲言。啖夷恃亂天常。稱兵犯順。並云彼國善製船礮。工且迅速。各項火器。精於啖咭喇所為。若有文檄與之。彼國自能效順等語。逆夷近日疊肆猖獗。必應設法大加懲創。越南是否素為該逆所最畏。船礮火器。是否能制啖夷之命。其願為效順之語。果否出於至誠。抑係別有所圖。著祁項。梁寶常。確探密查。並於接奉

後密行知照廣西巡撫周之琦一體查探據實具奏事關重大
毋稍含混亦慎勿漏洩是為至要

閩浙總督顏伯燾奏竊照逆夷竄離廈門口岸於七月二
十一日開去船三十餘隻尚有五隻在港遊奕經臣飭令
廈防同知顧教忠安集逃避四鄉民人並查明被害之家
量子撫卹於二十四日由驛馳奏在案茲於二十六日據
興泉永道劉耀椿稟稱該同知顧教忠奉委前至廈門口
岸查得各處街巷並無夷人蹤跡所有逃避各鄉男婦陸
續轉回各尋舊業商賈市肆未經殘燬者亦漸照常交易
臺米流通人心稍定並經該道移營安為彈壓諄諭各鄉

紳耆各率子弟保衛相資其被害之家尚須逐細查詢造冊詳請撫卹等情臣查廈島中後兩路一百三十餘鄉雖皆秋毫無犯而前面口岸礮火所及人民驚恐痛定思痛疚心奚裨自夷船開去三十餘隻之後臣分遣員役各赴高山用鏡瞭望附近大擔東碇一帶大洋帆影不絕或駛或泊或三四隻至十餘隻不等其在廈門港內或五六隻或八九隻來往遊奕不敢登岸有時在鼓浪嶼本詳五聲言起蓋夷樓必須官為給銀方肯全行開駛逐日探問如有文員在廈即欲呈遞夷書是以飭令顧教忠暫駐鄉間與陳勝元察看動靜隨時稟報酌量辦理

本年十月間據廈門知府顧教忠稟稱

本年十月間據廈門知府顧教忠稟稱

諭內閣前據顏伯燾奏逆夷於七月初九日闖進廈門青嶼口門。當經在事文武擊沈火輪船一隻。兵船五隻。該逆蜂擁而進。分路上岸。以致廈門失守。當降旨責令顏伯燾迅速收復。本日據報廈門各處街巷並無夷人蹤跡。商民復業。臺米流通等語。逆夷沿海滋擾。廈門尤其垂涎之地。屢經諭知顏伯燾等嚴密防範。該督駐紮廈門。半年之久。不能先事豫防。以致倉猝失事。本屬罪無可逭。姑念逆夷乘突而來。弁兵奮力抵拒。擊沈夷船六隻。此時廈門業已收回。著從寬免其治罪。仍著交部嚴加議處。諭軍機大臣等。本日據顏伯燾馳奏收回廈門口岸一摺。據奏廈門各處街巷並無夷人蹤跡。商民復業。臺米流通等語。覽奏已

悉現在大擔東碇一帶帆影不絕。廈門港口夷船來往遊奕。是此時廈門街巷雖無夷人。難保不別懷奸計。欲進故退。該督務須督飭水陸將弁。加意嚴防。本日已降旨寬治該督應得之罪。交部嚴加議處。倘再有疏虞。罪在不赦。兵慄之。該逆聲言鼓浪。喫起蓋夷樓。俟官為給銀。全行開駛。顯因粵東代還商欠。得遂所欲。又欲踵其故智。該督深知廣東辦理不善。若尤而效之。罪又甚焉。該逆如果呈遞夷書。斷斷不准接受。現在辦理機宜。可堵則堵。可勦則勦。此外並無酌量辦理之法。又另片奏。此次夷船探聞義律在內。仍著嚴密偵探。遇有獲到夷人。細加詢問。可得其實。該逆如果復來自當痛加勦洗。即僅數人數十人登岸。

亦當盡戮乃止。現在該省新兵義勇已有二三萬之多。若駕馭得宜。據險設備。亦不慮其滋擾牽制。該逆屢經犯順。未受大創。正當乘其驕橫之際。力挫其鋒。若外託持重之說。內存畏蕙之見。尚安望其一鼓作氣。大伸國威耶。將此諭顏伯燾。並竇振彪。普陀保知之。

浙江巡撫劉韻珂奏。竊臣於本年八月初五日。承准軍機大臣字寄。七月二十八日。奉

上諭。本日據顏伯燾等馳奏。廈門失守情形。逆夷貪得無厭。肆其猖狂。現已占據廈門。難保不乘風北駛。擾及沿海各省。江浙兩省毗連閩界。著裕謙等相度機宜。詳加籌畫。萬一夷船駛至。即

激勵將士同心敵愾。以彰天討等因。欽此。查前准粵省咨會。該逆有修整礮車之事。臣思該逆既在粵修整礮車。難保無登岸滋擾之意。浙省沿海灘塗。可以登陟之處。不一而足。即經嚴飭守口各文武。無分水陸一體嚴防在案。茲查該逆自攻擾廈門以後。浙洋船數漸增。並有大輪船隻。忽離忽合。忽東忽西。無從測其實數。就各處所稟情形。約畧計算。總在十隻以外。現又臺據鎮海象山等縣營先後稟報。七月二十七日。有夷匪數十人。駕坐杉板小船。潛至鎮海縣之咸墓地方登岸。圍搶淡水食物。經派防穿山等處之副將福禧等督率兵勇居民勦擊。擒白黑夷匪各一名。解

送

欽差大臣裕謙訊明正法。至八月初二初三兩日。該逆復在盛縣及象山縣之石浦地方。分船滋擾。經各該處防守。分督兵勇。竭力抵禦。該逆始行退去。我兵亦有傷亡。除由裕謙就近查明實在情形。具摺奏報外。惟該逆在浙船數尚不甚多。膽敢任意猖狂。分頭肆擾。實屬愍不畏死。現雖均經擊退。誠恐伺隙復來。而堵禦之方。惟有多雇鄉勇。使人自為戰。家自為守。庶可得加。臣已嚴飭各該縣。趕緊添雇。務期多多益善。一面將應否遵

旨添調兵丁之處。移咨裕謙酌覈辦理。至乍浦上通省會。下達江

蘇處處逼臨大洋。距定海止一潮之隔。實為浙西要隘。該
逆既在鎮象等處騷擾。其船隻又在各洋面四處遊奕。窺
探虛實。難保不竄擾乍浦。亟應豫為籌備。且該處係通洋
商賈馬頭。閩省游民。浮於土著。均以挑擡貨物為生。性多
獷悍。無事之時。尚難冀其安分。有警之日。勢更易於為匪。
或乘機搶奪良民。或貪利勾結夷匪。均所難免。上年定海
失守。乍浦封港。各游民無事可營。經該處紳民捐資收養。
方臻安靜。今民間力難為繼。而官為收養。則需費不貲。惟
有添兵彈壓。以馴其桀驁之氣。戢其浮動之心。查該處前
曾添有嘉湖兩協兵丁。然為數尚少。臣現又飭調嘉興協

兵二百名。前往協防。俾以制馭奸民。守衛口岸。復飭駐防該處之抗嘉湖道宋國經。將游民中之強壯馴良者。挑充鄉勇。以分其勢。如有夷船。突乍洋。即令協同攻擊。似於安內攘外。兩有裨益。其海甯州之尖山一口。即為省垣門戶。口門寬廣。水中無可堵截。臣已在該州。及省城。圍集鄉勇。豫備陸戰。浙省民氣柔弱。臣連日設法激勵。曉以利害。各紳士復齊心協力。轉相勸勉。察看民情。頗知自奮。僨逆夷突來侵犯。臣當持以堅定。使義勇兵民。四散埋伏。暫避其礙。俟該逆登陸。即親督兵勇。奮力勦攻。務使無一生還。以彰

天討

諭軍機大臣等。本日據劉韻珂奏。逆夷分擾各寨。業已擊退。現在撥兵防堵要口。及籌衛省城一措。覽奏均悉。此次逆夷在浙洋。威暴石浦地方。分船滋擾。雖經該處文武督兵擊退。尚未大加懲創。難保不伺隙復來。昨據裕謙奏到。已有旨飭令嚴加防範。茲復據該撫奏稱。逆船現在各洋遊奕。誠恐竄入乍浦。亟須豫為籌備。該處本係通商馬頭。閩省遊民。聚集甚多。其中強壯馴良者。固可挑募以資捍衛。而曠悍之徒。既難全行收養。恐不免別生事端。該撫請添兵彈壓。及令該道挑充鄉勇之處。均著照所議辦理。至尖山口為省垣門戶。該處水路。既無可堵截。現經

該撫國練鄉勇。豫備陸戰。尤以多多為善。如該夷一經登岸。即行奮力痛勦。務殲醜類。而靖海氛。

靖逆將軍奕山。參贊大臣齊慎。兩廣總督祁墳。廣東巡撫怡良。奏竊。等。於七月初七。二十等日。先後將夷船北駛。及留有兵船在香港尖沙背一帶停泊。並札飭各鄉村團練。招募勇壯緣由。先後奏。

聞。並飛咨沿海各省在案。等因。粵東省河形勢散漫。處處皆為要隘。難期專力控守。是以籌辦善後。必應由內及外。先使省城根本之地。不能任其滋擾。則民心庶免張皇。可以協力捍衛。第內河南面東面海道處處可通。水面動寬數十

百丈。深亦數丈。十數丈不等。應用木植碎石。均自他處購運。非急切所能竣工。前經密飭承辦委員。及紳士人等。不動聲色。安速經理。自開工以來。已及其半。即有漢奸偷遞信息。前據水師提臣飛咨。七月二十六日。突有火輪船一隻。三桅夷兵船三隻。自外洋駛泊橫檔海面。開駕三板。上橫檔礮臺舊巷。內有夷服漢語者一人。持單一紙。聲言填河修臺。仍有準備交兵之勢。因即縱火。將看守兵丁所住篷寮殘屋垛牆等拆燬。又據營弁探報。有火輪船兵船五隻。駛入大石四沙等處。攔阻填河。將載石小船焚燒七八隻。又至附近村中。搜搶食物。經該村民激動公忿。鳴鑼聚

取趕逐。即行退避。又探得在省各國貿易夷商陸續搬避。是該夷明知粵省嚴臺戰船一時不能驟復舊規。而各鄉村民。又經聯為指臂。是以任意阻撓。使門戶無可關鍵。則易於生事。以遂其挾制之心。藉端聲言以挑釁也。等再四商籌。該夷等在粵所求。不過貿易一節。既已

恩准通商。自應照常恭順。而屢屢虛聲吶喝。則以已許通商。他無

可言。故義律潛蹤本光七年新本亦載本匿跡更易兵頭。潛出滋事。又恐一不遂

願之後。粵省業已完固。則跋前疐後。不能雄視諸夷。是以疊起釁端。務欲遂其所欲而後止。等體察四鄉民情。現已均知憤激。省城為根本重地。所留各省精銳官兵。尚有

五千餘名。李等惟有嚴飭文武員弁。鼓勵兵心。固結民氣。倘前加意防範。不令市井驚惶。即可令各夷商安心貿易。若逆夷再敢駛入滋事。即督飭兵勇奮力攻剿。儻知我有備退出。李等仍部勒兵勇。一面實力辦理善後各事。總期以守為戰。不敢稍存懈怠。俟夷船全行退出外洋。再行馳奏。至李等知識庸愚。才具短淺。且事多棘手。以致左支右絀。頃奉到

諭旨。令李等戮力同心。以期有濟。等因。李等聞

命之下。同深悚佩。現在李等四人。隨時隨事。皆係和衷商酌。總期殫竭愚誠。有裨軍務。不但不敢稍存推接之心。亦全無彼

李光東等奏李等聞命之下

此之見可紆

慈慮。

諭軍機大臣等。本日據奕山等馳奏。逆夷阻撓善後情形一摺。據奏。七月二十六日。有火輪船一隻。三桅兵船三隻。自外洋駛泊橫槽海面。縱火燬折篷寮牆屋。又有火輪船兵船駛入大石四沙等處。攔阻填河。焚燒船隻。並在近村搜搶食物。現在加意防範等語。覽奏深堪痛恨。前此准令通商。本非正辦。此時若再有要求。斷斷不准。議及前據該將軍等奏南海番禺兩縣村社。練有義勇三萬六千餘名。省城所留精銳官兵亦有五千餘名。如果謀勇兼施。兵民齊奮。現在廣東夷匪。為數無多。乘此批釐生

事之時。聲罪致討。激勵士民。同仇敵愾。將留粵夷匪。痛加勦洗。收復香港。搗其巢穴。不但粵中海氛。可期永靖。且先聲所至。閩浙各處。防勤事宜。均易為力。勉之又勉。

又

諭前據奕山等奏。六月初四日。海面颶風陡發。所有尖沙嘴。裙帶路。帳房。寮篷。悉被吹捲無存。所造之屋。亦並拆毀掃蕩一空等語。是該處已無房寮可住。自不致仍有夷人在岸占據。乃昨據裕謙奏。擒獲夷匪。供稱香港地方。現在岸上有兵一千名。兵房數百間。與該將軍所奏情形。何以迥不相符。著即詳細查明。據實具奏。再關天培陣亡時。不肯點燬。及火門透水之兵丁。必應

嚴拏從重懲治。並虔宇達邦阿三員。究竟如何下落。均經降旨飭查。何以延未覆奏。著卽一併查明。迅速具奏。

欽差都統哈琅阿奏。竊查山海關為

兩京咽喉。形勢最為險要。自關南至老龍頭。為邊牆所自起。直接關北諸山。關南大洋。距城或七八里。五六里不等。直至撫甯之洋河海口。陸路長一百一十里。沿海行走。足二百餘里。今邊牆率多殘闕。既不能保其不潛行偷越。關南沿海道路綿長。隨處皆可登岸。其近岸處所。雖有攔江沙三道。距岸僅止三五里不等。三道沙外。卽係深洋。沙內水深。亦在四五尺至丈餘。潮長之時。二號夷船。儘可附岸。去

歲該夷火輪船一隻。來關停泊。距海岸不過二三里。是山海關之實在情形也。前聞逆夷腰硬腿直。不利登陸。是以有兵千餘名。防守海口。似尚足用。今逆夷既能陸路打仗。勢甚猖獗。則沿海凡可登岸之處。皆應隄防。即關北邊城一帶。亦應設兵伺察。以備不虞。通盤籌算。必須在於扼要之區。分設營盤數座。前後左右。凡可設伏之處。層層布置。逆夷儻敢分船登陸。伏兵即可四面兜勦。大營隨處策應。以期制勝。現在山海關。經直隸總督臣訥爾經額奏調提標兵一千二百名。並添派黑龍江兵一千名。又送來五千斤八千斤銅礮二尊。六千斤鐵礮一尊。並舊存礮位十九

尊分布秦王島。石河老龍頭各口岸。人心似覺稍固。昨又蒙

諭飭督臣添兵一千名。合計兵力已不為單。等得信之下。實深欽佩感激。惟沿海道路既長。登岸之處甚多。布置似尚未能

周密。應請

奉旨旨准其奏
旨添調綠營官兵若干。派總兵以下大員一二員。俾等隨時差遣。得以從容展布。則益感

鴻慈於無既矣。

哈喇阿又奏。再吉林官兵鳥槍最長。黑龍江官兵弓箭尤勁。相應請

旨將吉林黑龍江官兵各留五百名。在關駐防。交帶領黑龍江官兵之副都統管帶。至該二處官兵。素習馬隊。惟奉調起程後。向不攜馬匹。現在雖非進征官兵。未便各給例馬五匹。第一有警報。即須接仗。自應豫備騎馬。等已札商督臣。訥爾經額。酌調營馬。如有不足。即飭糧臺採買。其有不帶錫帳者。亦令糧臺購備。現辦糧臺之通水道高樹。勳帶銀無多。由省撥亦需時日。查山海關監督所存關稅銀二萬五千兩。應請暫緩撥解。如有急需。可否仰懇

天恩。俯准撥用。事竣歸入軍需案內報銷。

諭軍機大臣等。哈琅阿奏陳明山海關現在兵力。礙位各情形。一

摺前已有旨諭令哈浪阿等俟耆英所撥吉林兵到關。即將直隸添調之兵酌撥數百名。另行撥派。茲據該都統奏稱該處沿海地方。登岸之處甚多。請再添調綠營官兵若干。派總兵以下大員一二員。隨時差遣。各等語。哈浪阿所奏。自係未經接奉前旨。山海關防守。固關緊要。惟現在該處兵丁。已不為少。將來吉林兵到時。尚須酌撤。此時自可毋庸添調。餘俱著照所議辦理。又另片奏。吉林官兵籌備馬匹。並請將山海關盈餘稅銀。暫緩撥解。以應急需。各等語。所有馬匹一項。前已有旨令耆英於大凌河挑備濟用兵。糧臺需用銀兩。准其於關稅盈餘銀兩內撥銀五千兩應用。著該都統摺節辦理。事竣歸入軍需案內報銷。

又

諭新任盛京副都統托隆武。朕召見時。知其曾經出兵。尚諳軍務。現在盛京正當防堵喫緊之時。著耆英酌量情形。俟該副都統到任後。如果海口有警。所有調防官兵。即可令托隆武統率防。勤以期得力。

辛丑。

欽差大臣西江總督裕謙奏。竊等承准軍機大臣字寄。道光二十一年七月二十八日奉

上諭。逆夷占據廈門。難保不乘風北駛。擾及沿海各省。江浙兩省毗連閩界。前經降旨。著裕謙等嚴密防範。諒已各加準備。如兵

力不敷。准其酌量調撥。該大臣等務須妥為布置。毋稍疏虞。欽此。李查逆夷於占據廈門後。即起碇北來。在浙江洋面零星遊奕。滋擾威畧石浦等處。登時擊退。業經李於八月初六日恭摺具奏在案。嗣於初六七八九等日。逆船連檣而來。在象山定海鎮海三縣洋面停泊。約計共有四十餘隻。初九日申時。有火輪船一隻。帶領兵船九隻。駛至離鎮海縣城四五里之黃牛礁洋面停泊。又有十隻。已在離鎮海一百餘里之碇頭洋起碇北來。復行中止。揆厥情形。似將徑撲鎮海。查鎮海縣以招寶金雞兩山為門戶。而金雞山尤為扼要。李已派委翼長狼山鎮總兵謝朝恩。江蘇候補

知府黃冕統領弁兵嚴行防禦其招寶山上本有遊擊張從龍等帶兵駐紮提臣余步雲親統精兵駐於招寶山下之東嶽宮又東嶽宮迤西有欄口埠礮臺徑對口門與金雞招寶兩山互相犄角現有衢州鎮總兵李廷揚帶兵駐紮並於兩岸密排火攻水勇船隻凡有可以爬越偷渡之處亦皆分駐兵勇排挖暗溝密布蒺藜防其水陸並進並據鎮縣城鄉士民按戶出丁協同守禦李督率甯紹台道鹿澤長鎮海縣知縣葉堃堅守縣城鎮靜以待該逆儻敢前來侵犯即當激勵將士痛加勦洗以彰

天討其定海縣地方亦有逆船二十餘隻停泊口門之外經總兵

葛雲飛主錫朋。鄭國鴻。署知縣舒恭受等。設法守禦。尚未
闖入內港。李現飭鎮海定海兩縣。多雇漁船往來探報。以
聯聲援。惟綜計定海鎮海兩處調防。及本營官兵不及一
萬分段駐守。尚嫌單薄。且該逆分幫來擾。即無策應之兵。
李已飛調江甯八旗官兵八百名。壽春鎮標官兵一千名。
兼程前來鎮海。以便調遣。

裕謙又奏。再李欽奉

上諭逆夷習於水戰。向來議者皆以彼登陸後。即無能為患等因。
欽此。仰見

皇上洞燭幾先。周詳指示。跪誦之下。欽服難名。李聞廈門失守。由

於該逆併聚大幫。連環開礮轟擊。彈如雨下。即用我礮以擊我兵民所致。是以於礮臺前後左右。俱窺有暗溝。徧布蒺藜。以杜其衝突。其護礮臺兵勇。皆有遮蔽。惟逆船四十餘隻。其中雖間有貨船。每船不過數十人。而其兵船。或多至六七百人。少亦三四百人。截長補短。以每船三百人計算。業已逾萬。彼可併幫來犯。我則必須扼要分守。彼可數日不來。我則必須時刻防備。已成彼眾我寡。彼聚我散。彼逸我勞之勢。予何敢輕視。況該逆乘潮順風而來。前船卻退。則後船猝不及防。必致兩船皆損。是以不得不冒死前進。我兵本皆未歷戰陣。又各存一礮火難禦之見。略有

閃避即墮其計。又該逆則一船一心。且眾船一心。我兵則一人一心也。竊自祖宗以來。致命疆場。世受

國恩。茲又奉

命專征。既不敢孤負

朝廷。亦不敢玷辱祖父。惟有殫竭血誠。身先士卒。激以忠義之氣。解其畏蕙之心。並躬率文武官弁。誓於

神前。城存俱存。以盡臣職。斷不肯以退守為詞。離卻鎮海縣

城一步。本軍前尤不肯以保全民命為詞。接受逆夷片紙。此非

敢效匹夫之勇。甘為孤注之投。本軍前蓋因鎮海地方。稍有疏虞。則逆膽愈張。兵心愈怯。沿海一帶。必將全行震動。非此不

能固結兵心。滅此朝食。更非此不能挽回。一年來瞻顧徘徊之積習也。

硃批所論皆是。具見悃忱。卿當謀勇兼施。殲厥醜類。仁膺懋賞。宣威海徼。朕望捷音之至。

諭軍機大臣等。裕謙奏大幫夷船闖入內洋。調兵堵剿一摺。又另片奏。不肯以保全民命為辭。接受逆夷片紙等語。所論皆是。具見悃忱。此次逆夷船隻由閩赴浙。尋釁滋擾。總因未能大加懲創。以致毒焰愈張。現在該督水陸交嚴。分兵防守。又飛調江甯八旗官兵八百名。壽春鎮標官兵一千名。兵力不為單薄。即著相機攻剿。毋稍觀望。仍當謀勇兼施。殲厥醜類。以揚國威。而膺

懋實。至夷船連檣近逼鎮海。該督親身駐紮。其防堵事宜。諒能
布置周密。但恐該夷詭譎多端。或聲東擊西。或分舫肆擾。令我
不能兼顧。務當處處有備無患。是為至要。儻有捷音。即著由六
百里加緊馳奏。以慰朕懷。

裕謙又奏。再前任福建藩司鄭祖琛。孝雖未謀面。而聞其
明練果敢。體用兼備。且又熟習洋面。諳悉夷情。現在該員
告養在籍。今已札飭該管湖州府知府。勗以移孝作忠之
義。飭令前來鎮海軍營。商辦一切。

硃批甚好。即有旨。欽此。

諭內閣。前任福建布政使鄭祖琛。著即赴鎮海軍營。隨同裕謙商

辦事件欽此

壬寅

諭內閣福建提督寶振彪於夷匪滋擾廈門未能先事豫防著交部嚴加議處其防堵不力各員弁例有處分著顏伯燾查明參奏

癸卯

諭軍機大臣等現在天津各海口安設礮位以備轟擊逆夷果來其萬斤大礮摧堅致遠自必得力儻該夷用小船分撲礮臺蜂擁登岸大礮既無可施而我之擡槍鳥槍勢能及彼者彼之火器亦能及我未足制勝如將一二千斤以下小礮分布要隘逆

夷登岸。手持火器。自難及遠。乘其倉皇踐踏之際。伏兵齊出。更用擡槍。烏槍。刀矛。火箭。奮勇攻勦。必能制其死命。聚而殲旃。著訥爾經額。廣諮博採。悉心體察。並密授將備機宜。以奏膚功。而收實效。

甲辰。浙江巡撫劉韻珂奏。竊照浙省自上年六月間。啖夷突入滋事。迄今一載有餘。調兵練勇。製器設防。需費甚鉅。經前署撫臣宋其沅奏准截留銀九十六萬餘兩。嗣因支用已盡。復經請撥銀六十萬兩。一面由局先行陸續提用。至六月中旬。已用銀四十萬兩。及接奉部覆。止准撥銀四十萬兩。臣因准撥之款業已用盡。應給之鹽糧等項。費無

所出。奏請將覈減之二十萬兩。仍准撥用。旋又會商。

欽差大臣裕謙。擬將調防官兵。及所雇鄉勇。酌量裁撤。以節糜費。詎逆夷復肆鴟張。閩省廈門失守。浙省地屬連疆。不特不能撤防。且須倍加警備。一切支用之款。有增無減。雖前請仍准撥用之二十萬兩。已奉戶部議准。而自七月至今。業經裕謙。及甯波軍需局。疊次在省局提解銀二十萬兩。為甯局及鎮定兩糧臺支發之用。是部議准撥之銀。又已罄盡。而洋面夷船。日漸增添。應備事宜。無一不須添辦。則應用銀兩。無一可以稍稽。現又准裕謙咨請撥銀二十萬兩。解甯備用。乍浦等處。亦應添撥兵丁。添雇鄉勇。需銀應用。

海甯尖山口內。及錢塘江。並省城內外。均須添備酒船。配
兵添勇。嚴為防禦。亦需銀兩。據駐防之杭嘉湖道宋國經
等紛紛請領。而省局軍需專款。支發已盡。無款可籌。不得
已。暫提運庫銀二十萬兩。已解甯波十萬兩。餘銀十萬兩。
分解各處應用。此外毫無存留。臣與司道仰屋而歎。萬分
焦灼。伏查裕謙現在鎮海。正添調兵丁。攻守兼籌之際。必
須經費。裕如方可無虞。掣肘。即乍浦海甯省城等處。兵勇
鹽糧等銀。計口授食。亦屬萬不能少。且逆夷居心詭詐。反
覆無常。浙江防關。務須嚴密。目前之待用。固屬孔殷。日後
之所需。尤須豫備。臣忝膺疆寄。渥被

鴻慈深知逆夷不靖以來上耗度支為數已鉅若非實在竭蹶豈敢復事瀆陳致煩

宸慮無如夷務久未完結近又日漸猖狂臣雖事事搏節然祇能將多用者減而少用不能使當用者省而不用今奉撥之帑均已罄盡而需用之項甚為緊急相應仰懇

皇上逾格天恩俯准再行撥給銀一百萬兩以資接濟如蒙

俞允應請將奉部撥解雲南省壬寅年銅本之二十年地丁銀三十萬兩又奉撥雲南省壬寅年春季兵餉之二十一年地丁銀二十萬兩均行截留再撥藩庫現存二十一年秋撥造報銀一十五萬八千兩捐監銀二萬二千兩織造衙門

徵收二十一年正月。起至八月止。北新關稅課銀一十二萬兩。運庫現存秋撥造報銀一十萬九千兩。運庫秋撥截數後。應歸二十二年春撥造報銀九萬一千兩。共成銀一百萬兩。收入軍需等款。以備分解支發之用。現在各處待用甚迫。如俟奉到部覆。再行動支。實屬緩不濟急。所有各款銀兩。臣不得不飭局先行陸續提用。俾無延誤。

諭軍機大臣等。劉韻珂奏。請撥濟軍需銀兩一摺。據稱浙洋夷船日增。前撥銀兩業經支用已盡。現在鎮海等處添兵雇勇。急籌堵剿。請再行撥給銀一百萬兩。以資接濟等語。所有該省現經戶部撥解雲南省銅本之二十年地丁銀三十萬兩。又撥解雲

南省壬寅年春季兵餉之二十一年地丁銀二十萬兩均著准其截留再該省藩庫現存二十一年秋撥造報銀十五萬八千兩捐監銀二萬二千兩織造衙門徵收二十一年正月起至八月止北新關稅課銀十二萬兩運庫現存秋撥造報銀十萬九千兩秋撥截數後應歸二十二年春撥造報銀九萬一千兩俱著准其收入軍需專款以備分解甯波乍浦海甯並為省局一應支發之用該省需用孔亟是以俯如所請該撫務當督飭局員力加撙節斷不可稍任虛糜致滋浮冒

又

諭軍機大臣等前有旨令富呢揚阿會同胡超挑選陝西兵二千

名。即著胡超管帶第一起。前赴天津防守。現在該省頭起官兵。已報啓程。即著胡超管帶徑赴山海關。會同哈琅阿防堵。其二。三起官兵。無論已未啓程。俱著該撫飭令歸伍。暫行聽候諭旨。

又

諭山海關防守緊要。已有旨令陝西提督胡超。帶領陝西官兵。迅赴山海關。協同防堵。著哈琅阿。俟胡超到時。將應行籌防堵勦事宜。悉心會商。妥為辦理。至前調直隸官兵一千名。本日據訥爾經額奏。俟吉林兵到關時。即遵撤六百名。分撥附近要隘等語。其餘四百名。著俟陝西兵到後。即全行裁撤。交訥爾經額另行撥派。

又

諭寄諭盛京將軍耆英。前有旨令該將軍將所調吉林兵一千名。以五百名赴山海關。五百名赴錦州。其黑龍江兵一千名。分撥要隘。現在黑龍江兵。已有旨令棍楚克策楞暫緩調撥。所有吉林兵到後。該將軍仍遵前旨。以五百名派赴山海關。其餘五百名。或即在省城各隘分撥。抑或仍派赴錦州防堵之處。著該將軍酌量情形。熟籌緩急。總期布置得宜。有備無患。是為至要。

又

諭寄諭署吉林將軍惟勤。前有旨令耆英調撥吉林兵一千名。以五百名赴山海關。五百名赴錦州。現在所調黑龍江兵。已有旨

令棍楚克策楞暫緩調撥。如已行至吉林。即著截回。所有吉林兵一千名。仍遵前旨。調往盛京。交耆英酌量分撥。

又

諭寄諭黑龍江將軍棍楚克策楞。前有旨令該將軍將黑龍江兵一千名。調赴盛京。聽候撥用。現在暫可無庸調撥。所有前調之兵。無論已未啟程。即著撤回。再候諭旨。

乙巳。

欽差大臣兩江總督裕謙奏。竊照逆船併幫來浙。滋擾盛舉石浦。分撲鎮海定海。當經率將擊退堵勦緣由。先後具奏在案。該逆船於八月十一日。陸續駛近自鎮海之蛟門。至定海。

之吉祥門。數十里間。橫截停泊。計共二十九隻。時放三板小船。或駕火輪船。遊奕窺伺。尚有十餘隻。則忽東忽西。隱見不定。八月十二日。據鎮海縣探報。本日巳時。逆船十四隻。望東南行駛。又十五隻。四散遊奕。察其情形。勢將直撲定海。旋聞定海礮聲絡繹。該夷船亦即於傍晚折回。紮正深盼望。十三日。接據總兵王錫朋。鄭國鴻。葛雲飛。署定海縣知縣舒恭受稟報。十二日未時。有火輪船二隻。引帶大夷船二隻。乘潮闖入竹山門。勢甚兇惡。該鎮等因夷船礮位多。係安置兩旁。即督率管礮弁兵。乘其未進內港。我礮可以迎頭攔擊。彼礮尚不能及我之時。定海鎮總兵葛雲

飛在半塘土城。親自看準苗頭。眾礮齊發。擊斷逆船頭桅。一枝。該逆無暇拒敵。即冒死竄出吉祥門。復繞入大渠門。又經定海鎮標左營遊擊張紹廷。在東港浦土城。督率弁兵迎頭轟擊。該逆即時退出。不敢再進。業已併幫寄碇。我兵無一損傷等情。查是日掛帆起碇者。共有二十九船。若非葛雲飛看苗有準。將首先闖入之船。擊斷頭桅。挫其兇鋒。又經張紹廷督率官兵迎頭搥擊。勢必分口亂竄。長驅直入。以圖一逞。該鎮等督率有方。各官兵奮勇用命。均屬可嘉。當此甫經開仗之時。非重賞不足以鼓舞士氣。查當飭定海糧臺。於軍需項下。動支銀三千兩。會同葛雲飛

等查明實在出力兵丁。秉公分賞。可否容才擇其尤為出力者。據實保舉。以示鼓勵之處。出自

天恩。至該逆於盛舉石浦擊退之後。又侵犯定海。雖經屢挫其鋒。究未大加懲創。且仍聯幫停泊。必將另生詭計。竊惟有激勵士卒。慎之又慎。嚴益加嚴。靜以待之。斷不敢大意輕敵。亦不敢稍有張皇。務期仰仗

天威。殲此醜類。以副

聖主肅清海寓之至意。

諭內閣。裕謙奏。逆夷大幫侵犯定海。官兵登時擊退一摺。據奏八月十二日。逆船二十九隻。掛帆起碇。先有火輪船二隻。引帶大

夷船二隻。乘潮闖入竹山門。經定海鎮總兵葛雲飛在半塘土城看準。苗頭開礮擊斷逆船頭桅一枝。該逆無暇拒敵。冒死竄出吉祥門。旋復繞入大渠門。又經鎮標左營遊擊張紹廷在東港浦土城督率弁兵迎頭轟擊。該逆即時退出。我兵一無損傷。等語。覽奏欣慰。此次大幫逆船直撲定海。總兵葛雲飛乘彼礮不能及我之時。迎頭攔擊。將首先闖入之船擊斷頭桅。挫其兇。破遊擊張紹廷督兵轟擊逆船。即時退出。均屬可嘉。前據裕謙奏。邊夷併幫犯浙。威畧石浦等處。經官兵兩次擊退。茲復於大幫攻撲之時。先機迎擊。俾逆夷不及措手。冒死竄回。該大臣督率有加。先行交部議敘。仍俟大功告成。再膺懋賞。葛雲飛著加

恩賞加提督銜。先換頂帶。張紹廷著以參將即行升用。其餘在事出力員弁著該大臣秉公保奏候朕施恩。

諭軍機大臣等。本日據裕謙馳奏逆船大幫侵犯官兵登時擊退一摺。覽奏欣慰。已明降諭旨。將該大臣交部議敘。葛雲飛、張紹廷分別升賞。逆夷來浙犯順。經該大臣於盛舉、石浦兩次擊退。此次大幫直撲。乘其不能開礮之時。先將逆船頭桅擊斷。軍威既震。兵氣自揚。即日殲醜。捨渠宣威海徽。朕拭目以待捷音之至也。所奏逆船聯幫停泊。恐又另生詭計。該大臣務須慎之又慎。嚴益加嚴。總期謀勇兼施。相機痛剿。一有捷音。即由六百里加緊奏聞。本日據劉韻珂奏防堵乍浦尖山等處。已諭令該

督撫督率兵勇。慎密防範矣。

浙江巡撫劉韻珂奏。逆夷自攻擾廈門之後。來浙船隻漸增。八月初二三日。該逆在鎮海之威。象山之石浦。分船滋擾。經官兵當時擊退。臣已於初九日。由驛恭摺奏報。至初五六七等日。各洋又有續至夷船。約計共在三十隻。內外復經臣於請撥軍需摺內陳明在案。茲據各縣營稟報。初八九等日。該逆來浙之船。日有增添。約計四十餘隻。在鎮海。定海。象山等縣洋面往來遊奕。或行或止等情。臣查該逆早有來浙滋擾之言。今其船連日接檣而來。其處心積慮。必欲在浙一逞。實屬險毒已極。深堪痛恨。現在該

逆觀望不前。顯係探我虛實。希圖伺隙而動。鎮定等處。逆船蟻聚。固應從嚴戒備。浙西之乍浦。與定海止隔一潮。尖山又與乍浦緊相接壤。該二處口岸寬闊。兵力均弱。尤恐其探悉情形。乘虛竄入。現已分飭各屬。勸諭紳耆團練義民。多募鄉勇。並親督省中兵勇。嚴密準備。該逆儻敢侵犯。即行痛加勦洗。以伸

天誅。

諭軍機大臣等。據劉韻珂奏。浙洋逆船。日有增添。鎮海定海等處。固應從嚴防堵。其乍浦尖山二處口岸。尤宜急為準備等語。此次逆船在浙洋各處。分船滋擾。當經官兵擊退。現在大幫復敢

連檣而至。本日據裕謙奏稱。逆船直撲定海。經我兵開礮擊斷頭桅。當即竄逃。雖已畧示懲創。惟現在該夷併幫寄碇鎮海洋面。難保不四處分竄。乍浦尖山。係屬浙西要口。該撫仍遵前旨。多募壯勇。密為防範。一經駛入。即行痛加勦洗。務使處處皆受挫衄。該夷自不敢再行肆逆。庶足伸天討而靖海氛。

盛京將軍耆英。刑部侍郎成剛。奉天府尹呈麟。奏本年八月十五日。承准軍機大臣字寄。道光二十一年八月十一日。奉

上諭。本日據耆英等奏遵旨籌議。並豫備吉林黑龍江官兵過境事宜一摺。所有調取吉林兵一千名。著分撥五百名赴山海關。

交哈浪阿富勒敦奏遣用。其五百名。即令前往錦州駐紮聽候調用。至黑龍江兵一千名。即著該將軍分派省城各要隘酌量陸路地勢妥為安設。仍遵前旨。不可派在海口防堵。是為至要等因。欽此。正在欽遵辦理間。復奉到

上諭。著英等奏。接到廣東咨。會夷船欲赴天津。請飭吉林黑龍江官兵徑赴直隸防堵。一摺。逆夷有起碇北來之信。盛京為根本重地。該將軍等務當加意偵探。相機妥辦。不可稍有疏虞等因。欽此。查吉林兵一千名。分四起行走。其頭起二起兵共五百名。於八月十四十七等日。已過瀋陽。催令兼程進關。遵旨交哈浪阿富勒敦奏遣用。其三起四起兵共五百名。不日即到。

三十
即令駐紮錦州聽候調用。並接准黑龍江將軍咨稱奉調兵一千名分作五起頭起於八月十二日起程約計二十二日可進法庫邊門其餘四起間一日行走約計八月底九月初間陸續可抵瀋陽。咨書英即遵。

旨分撥省城要隘駐紮策應藉資陸路聲援。僅遇直隸總督行文調取即欽遵原奉。

諭旨遣令迅速前往不致臨時貽誤至。

盛京為根本重地尤當嚴密防守自應懍遵。

聖諭加意偵探相機妥辦茲於八月十七日接准浙江巡撫飛咨內稱准福建咨會。有夷船三十隻向東北外洋開去等因。

現據鎮海縣報有夷船四隻。甯海縣報有夷船一隻。其餘由廈門駛向東北外洋船隻。是否竄入浙境。抑或潛赴北洋。亟應慎密防堵等因。飛咨前來。著英伏查奉天各海口。原設官兵鄉勇足數防堵。惟在陸路設伏攻勦。尚須酌添官兵。擬調義州兵二百名。在於錦州陸路地方設伏攻勦。應請責成錦州熊岳兩副都統。各就地方分轄地面。妥為布置。隨時稽察。仍委差弁遠探。儻有夷船潛來確信。著英刻即親率勁旅。星馳前往。相度機宜。妥為籌辦。不敢輕率張皇。亦不敢顛預大意。以期毋負。

委任

者英又奏再查前次鑄成礮位業經陸續運往各海口安設防堵並將八千斤重大礮四尊揀派協領穆承泰等運赴金州復州各海口擇要安設節次奏

聞在案此次將鑄就二千五百斤重礮二尊一千五百斤重礮二尊運交牛莊蓋州熊岳查收安設茲復飭派佐領哈當阿英綸押運五千斤重礮二尊四千斤重礮一尊三千斤重礮三尊分送錦州甯遠各海口安設以資捍衛而壯聲威諭軍機大臣等者英等奏分撥官兵駐紮候調並陸路添兵設伏一摺又另片奏鑄就大礮運赴海口安設等語昨有旨諭知該將軍於吉林兵到時分撥五百名赴山海關其餘五百名或即

在省城各隘分撥。或仍派赴錦州防堵。令該將軍酌量布置。其黑龍江兵。亦有旨暫緩調撥。該將軍接奉後。自必遵照辦理。本日據奏黑龍江兵業已陸續啓程等情。黑龍江現調各起官兵。如已行至盛京地方。即著該將軍咨令撤回。再候諭旨。至奉天海口紛歧。現經該將軍擬於陸路添兵設伏攻剿。並將鑄成礮位分撥各口。安設布置。自屬周妥。惟現設大礮尚少。恐尚不敷抵禦。儻於該夷未經登岸之先。業將大礮開放。萬一該夷用小船蜂擁登岸。我之擡槍鳥槍。勢能及彼。而彼之火器。亦能及我。似尚未足制勝。該將軍既於陸路設伏。如將一二千斤以下小礮。分布要隘。乘彼火器尚未及我之時。開放轟擊。復乘其倉皇。

踐踏之時。更用擡槍。鳥槍。刀矛。火箭。奮力攻勦。必能制其死命。著耆英悉心體察。並密授將備機宜。毋致臨事周章。是為至要。戊申。山東巡撫托渾布奏。竊臣承准軍機大臣字寄。奉

上諭。夷人此次到閩。已有陸路提督偽官名目。恐有登陸交戰之計。現在籌備海防。不可以堵禦口岸。即為無患。尤當計及登陸後。如何設伏。夾攻兜勦。出其不意。方能制勝等因。欽此。茲臣行抵登州。查沿海防禦諸事。臣於今春練兵募勇。嚴密布置。府城逼近洋面。堵禦口岸。即所以捍衛郡城。現在已撤復調。及未經撤回各兵。均應令其照前分防口岸。以固郡城根本。其陸路戡守情形。臣前以東洋港汊紛歧。夷匪可以

登岸之處。所在多有。曾於十二月間。附片奏明。委員逐段勘度。凡有可以分設伏兵。暗藏槍礮之處。俱令繪圖存記。豫備臨時叢辦。今復與登州鎮臣玉明。登萊青道王鎮等。悉心參酌。府城東北海岸。沙灘平敞。現已重兵扼守。其西南一帶。浦家窪。沙家莊。西莊等處。山嶺起伏。峯巒錯雜。就地形之高下。處處可以設伏。而近城之田橫寨。西山口。板石巖。黑峯臺等處。高峯亂石。峭壁懸巖。且居高臨下。尤與府城有唇齒之勢。臣連日親詣詳勘情形。有可以明設防。兵扼要據守者。則令分兵屯聚。並令多樹旗幟。徧示疑兵。以張聲勢。有可以暗地設伏者。則令藏兵山麓。並令將山

曲歧路徧掘濠溝。暗設陷坑。杜其奔突。賊若登岸。窺伺欲
圖陸路交鋒。必由此路而入。我以明防之兵。為誘敵之師。
引入崎嶇險道。伏兵陡出。不難一鼓成擒。現在調用弁兵。
俱係陸營將弁。東省兵力強勁。短刃長矛。皆其素習。驅之
陸戰。正屬用其所長。該逆匪果敢冒險登陸。臣竊度地勢
兵力。似較洋面接仗。轉有把握。惟現在調集官兵。除分撥
各處外。可以留防郡城者。止於二千餘名。前募鄉勇。亦止
十餘名。一經水陸分撥。即覺兵力更單。計惟有不惜經費。
責成該府縣。再行添募鄉勇二三千名。由臣遵委文武幹
員。訓練管帶。使之協同守口設伏。以資防勦。此外沿海夷

匪可以登岸之處。前據委員繪圖勘報。臣披圖詳覈。其中山岡路雜。堪以挖陷。穿埋伏夾攻之處尚多。今雖限於兵額。不能處處撥兵設伏。而採訪輿情。各地方紳民無不各顧身家。咸思自衛。臣現分派委員。會同該地方官。再為剴切曉諭。務令因地制宜。各自團練。扼險防守。該逆夷儻敢北駛。臨時再行酌派將弁。馳往督勦。斷不敢稍涉大意。諭軍機大臣等。本日托渾布奏。親赴登州。籌辦陸路戰守情形。一摺。據稱詳勘地勢。採訪輿情。地方紳民。各顧身家。人思自衛。業經派員會同地方官。剴切曉諭。令其團練壯勇。扼險防守等語。著即照議妥辦。於沿海港汊。夷匪可以登岸之處。實力籌防。多

備壯勇令各自團練保衛身家一有夷船北駛即探明賊蹤酌
派將弁馳往督同民勇奮力攻勦盡殲醜類務使眾志成城方
為有備無患。

欽差大臣兩江總督裕謙奏竊於八月十五日將逆夷於八月
十二日侵犯定海登時擊退並有夷船二十九隻橫截鎮
定洋面尚有十餘隻隱見不定緣由恭摺具奏甫經拜發
風潮陡作鎮海縣城外平地水深四五尺官兵帳房皆在
水中夷船張帆起碇勢將乘風徑進幸各官兵先將火藥
礮位搶護稍高處所堅壁不動該逆無隙可乘欲前又卻
適風轉西北潮隨風落逆船即轉帆東駛直撲定海旋據

鎮海縣等屢次探報。聽聞定海礮聲未絕。又有擊破之三板船數隻。及無篷桅之大夷船。由定海漂出。隨風南去。惟連日風逆浪大。又為逆船梗阻。不獨策應之兵。一時無從東渡。即探報亦不能往返。直至十八日申時。據李遣派前赴定海查探弁兵飛報。十三日午時。有夷船十三隻。在竹山門外停泊。旋有火輪船三隻。三桅船一隻。駛進竹山門。經總兵葛雲飛等督兵開礮。擊斷夷船大桅。當即竄去。十四日連檣駛進。攻打曉峯嶺。開放三四百礮。我兵伏於石巖之中。並未受傷。該逆駕駛三板船。由竹山礮登岸。經處州鎮總兵鄭國鴻督率弁兵。開放擡礮。擊殺夷匪無數。傍

晚該逆繞至定海南面。孤懸海中之五奎山。登高瞭望。十五日。即在山上支搭帳房。我兵即在土城開礮遙擊。打壞帳房五頂。逆夷十數名。十六日。該逆先從吉祥門駛進。攻打東港浦。經我兵連開大礮轟擊。該逆不敢駛近。旋即攻打曉峯嶺。竹山二處。至酉時。逆夷登岸。被我兵槍礮轟擊。死者不計其數。十七日。丑時。該逆又駛火輪船進攻。定海鎮總兵葛雲飛親自開礮。擊中其船上火藥。當即焚燒。片板無存。已時。該逆分作三路。一由五奎山迎面攻打。一由東面之東港浦。一由西面之曉峯嶺進攻。壽春鎮總兵王錫朋。首當其鋒。督兵開放槍礮。夷匪冒死前進。我兵前隊

陣亡。後隊繼進。業將夷匪殺退數次。無如愈殺愈多。我兵所用擡礮。至於紅透。不能裝打。猶捨命死戰。至未時。逆夷約有三四千人。分路登岸。我兵勢難抵敵等情。竊正在調兵策應。並具摺奏報聞。旋據定海縣典史鄧鈞。帶同水勇救護定海糧臺委員同知黃維誥等。並銀九千兩。一。定海縣印信到營。據稱定海縣城已於十七日未刻失守。歷訴十二日以後接仗情形。與探報大畧相同。詰以文武各官下落。則稱壽春鎮總兵王錫朋。被礮打斷一腿。陣亡。處州鎮總兵鄭國鴻。在竹山門陣亡。定海鎮總兵葛雲飛。在東嶽宮陣亡。署定海縣知縣石浦。同知舒恭。受嬰城固守。被

傷殞命其餘將備弁兵苦戰六晝夜均已筋疲力盡陣亡者甚多一時無從查悉至登岸逆匪身穿黑衣黑袴皆係閩廣亡命夷匪隨後指揮被我兵擊殺一起又有一起接踵而至約計總有萬餘人其所持器械擡槍火罐火箭等項無所不有又有皮梯可以爬越城池山嶺寡不敵眾以致失守定海糧臺本在城內署知縣舒恭受因事在危急恐資盜糧委令典史鄧鈞帶領鄉勇將糧臺搶護至山巖寺內並將印信交付家屬囑令鄧鈞僮或縣城疏失即行保護內渡城內難民亦已保護出城因連日接戰道路不通致未隨時稟報等情奉聞信之下不禁皆裂髮指惟該

逆驕盈已極。定海既已失守。則我之槍礮器械。又為彼有。勢將回撲鎮海。現在會同余步雲督率鎮將。協力守禦。城存與存。斷不敢稍有退志。以冀保守斯土。一面專遣精細。改裝易服。前赴定海查探敵情。並查王錫朋、鄭國鴻、葛雲飛、舒恭受等屍身下落。及陣亡將備弁兵。有若干員名。招集散卒。毋使驚疑。致為賊用。又派員在沿海一帶。稽查奸細。安插難民。俟辦有頭緒。另行具奏。至粵前次請調江甯駐防八旗官兵八百名。壽春鎮標官兵一千名。現已飛檄催調。尚有駐紮江蘇寶山縣之徐州鎮標官兵三百名。本為江浙兩省策應之兵。粵先已咨商江蘇撫臣梁章鉅提

臣陳化成酌量情形分別調派已准咨覆遣令兼程前來約計今日明日可到又有巡洋北來為夷船阻滯不能回營之黃巖鎮標官兵一百數十名等亦已截留在鎮協力守禦再前奉

諭旨派調江西兵二千名前赴福建現在廈門業已收復無須多兵而浙江需兵甚急等於接到定海危急探報後即已繕發傳牌並咨明閩省督撫將江西兵二千名截赴浙江俟各兵到齊再用漁船分遣東渡藏伏山巖就近招募鄉勇克復定海至壽春鎮總兵王錫朋處州鎮總兵鄭國鴻定海鎮總兵葛雲飛署定海縣知縣石浦同知舒恭受會督

將備弁兵。苦戰六晝夜。連得勝仗。祇以寡不敵眾。致命疆場。忠憫可嘉。相應請

旨加恩賜卹。並請將李交部從重治罪。以為失地喪師者戒。

諭內閣。本日裕謙奏定海失守。現先嚴守鎮海。一面調兵進剿。一摺。據稱八月十三日。夷船駛進竹山門。經總兵葛雲飛等督兵開礮。擊斷夷船大桅。當即竄去。十四日逆夷由竹山嶼登岸。經總兵鄭國鴻督兵開放擡礮。擊殺夷匪無數。十五日在五奎山支搭帳房。我兵猶擊斃逆夷十餘名。十七日進攻定海。葛雲飛親自開礮。擊中夷船火藥。當即焚燒。該逆分作三路進攻。我兵前隊陣亡。後隊繼進。所用擡礮。至於紅透。不能裝打。猶捨命轟

擊該總兵等苦戰六晝夜。連得勝仗。無如連日風逆浪大。逆船梗阻。策應之兵無從東渡。我兵勢難抵敵。十七日定海失守。裕謙自請從重治罪等語。裕謙著交部嚴加議處。其陣亡之總兵王錫朋。鄭國鴻。葛雲飛。署定海縣知縣石浦。同知舒恭受。均著交部照例賜卹。所有陣亡弁兵。著裕謙查明咨部辦理。

諭軍機大臣等。裕謙奏定海失守一摺。已明降諭旨。將該督交部嚴議。並將王錫朋。鄭國鴻。葛雲飛。舒恭受等交部賜卹。現在兵力單薄。著准其將調赴閩省之江西兵二千名。截赴浙江。聽候調遣。其徐州鎮標官兵三百名。早已到鎮海軍營。著一面嚴守各要隘處所。一面厚集兵力。廣募水勇。團練鄉民。相度機宜。

乘時進攻。收復定海。切勿遲延觀望。倘再有疏虞。試問該督能當此重罪否耶。懍之。

又

諭本日據裕謙奏。逆夷在浙洋滋擾。定海地方業已失守。該逆肆行無忌。難保不乘風北駛。錦州山海關等處海口緊要。亟應添兵防守。以備不虞。所有前調吉林兵一千名。著惟勤迅速催令馳往盛京。交耆英一併派赴山海關。交哈琅阿派撥防堵。毋庸酌撥省城及錦州等處。其黑龍江兵一千名。仍著棍楚克策楞迅即調往盛京。交耆英派赴錦州分撥防堵。所有陝西頭起官兵。已片降諭旨。著胡超迅即管帶前赴山海關矣。該都統將軍

等務當先事豫籌。將所調各兵。妥為布置。以期有備無患。是為至要。

又

諭前有旨。令該提督管帶陝西頭起官兵。前赴山海關防堵。其後起官兵。暫令歸伍。本日已諭知富呢揚阿。仍將後起官兵。催赴天津交訥爾經額撥派。現在山海關地方海口最關緊要。著胡超即將所帶頭起官兵。兼程馳赴山海關。會同哈琅阿力籌防。勤不可稍有遲延。

又

諭前有旨。諭令富呢揚阿。挑選陝西兵二千名。令胡超管帶頭起。

徑赴山海關。並諭令其餘各起官兵暫行歸伍聽候諭旨。現在逆夷猖獗。浙江定海業已失守。天津海口。亟應加意嚴防。除胡超所帶頭起官兵徑赴山海關外。其餘各起官兵著富呢揚阿仍遵前旨。即飭曾經出師之將弁迅速管帶起程前赴天津。交訥爾經額調撥。不可稍有遲延滋擾。

又

諭本日據裕謙馳奏逆夷大肆猖獗。定海失守情形。憤恨之情。難以言喻。該匪招集閩廣匪徒。助其兇鋒。廈門之後。復陷定海。難保不乘風北駛。已降旨令胡超速帶頭起陝西兵。即赴山海關。其後起官兵著富呢揚阿派員管帶。迅速趕赴天津。交訥爾經

額分撥防守。所有前調黑龍江兵一千名。著調赴錦州。其吉林兵一千名。均著調赴山海關。亦經諭知耆英。哈琅。阿棍。楚克策楞。惟勤等。迅速調撥矣。天津海口。業經該督密加防範。布置周詳。萬一夷船駛至。當必有備無患。該督經朕屢次指示機宜。諒必能運籌制勝。以慰朕懷。裕謙摺鈔給閱看。